

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 439140 22 St
Tuzla, 06.06.2023.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „OMEROVIĆ AAS“ d.o.o za proizvodnju, promet i usluge Tuzla, ul. Rudarska br. 55, nakon provedenog prethodnog stečajnog postupka dana 06.06.2023.godine donio je sljedeće:

R J E Š E N J E

OTVARA SE stečajni postupak nad imovinom stečajnog dužnika „OMEROVIĆ AAS“ d.o.o za proizvodnju, promet i usluge Tuzla, ul. Rudarska br. 55, MBS: 1-13200,JIB: 4209675360007, račun broj: 3060203790490397 otvoren kod Addiko Banka d.d. Sarajevo.

Za stečajnog upravnika imenuje se Senad Uzunić iz Tuzle.

ZAKLJUČUJE SE stečajni postupak nad imovinom dužnika „OMEROVIĆ AAS“ d.o.o za proizvodnju, promet i usluge Tuzla, ul. Rudarska br. 55, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje o zaključenju stečajnog postupka će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 439140 22 St od 13.04.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „OMEROVIĆ AAS“ d.o.o za proizvodnju, promet i usluge Tuzla, ul. Rudarska br. 55, za privremenog stečajnog upravnika imenovan je Senad Uzunić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 23.03.2023.godine. Iz izvještaja privremenog stečajnog upravnika proizilazi da je društvo formalno poslovalo do 2012.godine, kada je utvrđen prestanak Rješenjem Općinskog suda u Tuzli broj: 032-0-Reg-12-001553 od 05.10.2012.godine, a računi društva kod poslovnih banaka su blokirani. Društvo nema poslovnih jedinica, a sjedište društva je bilo u iznajmljivim prostorijama. Na dan sačinjavanja Izvještaja društvo nije imalo nijednog zaposlenika, niti raspolaze bilo kakvom imovinom. Društvo ima obaveze prema PU FBiH, KPU Tuzla po osnovu poreza i doprinosa za isplatu plata.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne

nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 13.04.2023. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 33/23 dana 05.05.2023.godine, oglasnoj tabli suda dana 17.04.2023.godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama FBiH.